



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2020:144204

Datë: 07.04.2021

Numri i dokumentit: 01669523

P. nr.751/20

NË EMËR TË POPULLIT

GJYKATA THEMELORE NË PEJË D.P. , gjyqtari Sejdi Blakaj me sekretaren juridike Gjyljeta Çorkadiu , në lëndën penale kundër të pandehurit R. H., sipas aktakuzës së PTH-së D.P. në Pejë PP/II nr. 1519/20 të dt.27.10.2020 për shkak të veprës penale: Lëndim i lehtë trupor nga neni 185 par 3 lidhur me nën par 3.1 të KPRK-së, pas përfundimit të shqyrtimit fillestar , publik dhe me gojë, të mbajtur në praninë e të pandehurit R. H. dhe të prokurorit të shtetit Lumturije Vuçetaj me dt.07.4.2021 ka marrë dhe botërisht ka shpallë këtë :

A K T G J Y K I M

I pandehuri R. H. i lindur me dt..... në Pejë rruga “.....” nr. 6, ku edhe tani jeton ,i biri H. dhe nënës Sh. e gjinisë Th., i njohur me dokument identifikues numër, ka të kryer fakultetin e arkitekturës, me profesion arkitekt, i pa martuar, i gjendjes së mesme ekonomike, kinse i pa dënuar më parë nga gjykata, Shqiptar, Shtetas i Republikës së Kosovës , më parë i pa dënuar, gjendet në liri.

ËSHTË FAJTOR

Për arsye se:

Me dt. 29.8.2020, rreth orës 18:00 rruga “.....”, në , me dashje i shkakton lëndime të lehta trupore me pasoja të përkohshme në shëndet të dëmtuarit - të miturit E.K, në atë mënyrë që , ditën kritike si pasojë e një zënke verbale në mes tyre , në një moment i pandehuri e godet të lartcekurin me grusht dhe shqelma në pjesë të trupit si kokë dhe krahun e majtë , gjersa aty është munduar që ta largoj vëllai i të dëmtuarit, dëshmitari E. K. .

-me çka ka kryer veprë penale: Lëndim i lehtë trupor nga neni 185 par 3 lidhur me nën par 3.1 të KPRK-së.

Prandaj gjykata të pandehurin konform nenit 38,39,40, 43, dhe 44 nenit 185 par 3 lidhur me nën par 3.1 të KPRK-së,

E G J Y K O N

Me dënim burgu në kohëzgjatje prej 6 muaj.

Dënimi me burg prej 6 muaj -me pëlqimin e të pandehurit i zëvendësohet me dënim me gjobë në shumë prej **300 € euro**, të cilën gjobë i pandehuri është i obliguar ta paguaj në afat prej 3 muajsh pasi që aktgjykimi të merr formën e prerë.

Obligohet i pandehuri që në emër të paushallit gjyqësorë të paguaj shumën prej 15 euro , në emër të shpenzimeve të procedurës penale shumën prej 20 euro , dhe në emër të taksës për mbrojtjen e viktimave të krimit shumën prej 30 euro - të gjitha këto 15 ditë pasi që aktgjykimi të merr formën e prerë.

I dëmtuari për realizimin e kërkesës pasurore juridike udhëzohet në kontest të rregullt civil .

A r s y e t i m

Prokuroria Themelore në Pejë me dt.27.10.2020 kundër të pandehurit R. H., ka ngritë aktakuzë PP/II. nr.1519/20, për vepër penale: Lëndim i lehtë trupor nga neni 185 par 3 lidhur me nën par 3.1 të KPRK-së, duke i propozuar gjykatës që pas përfundimit të shqyrtimit gjyqësorë të pandehurin ta shpallë fajtorë , ta dënoj sipas ligjit dhe ta obligoj në pagimin e shpenzimeve procedurale

Në shqyrtimin fillestarë i pandehuri – pasi që paraprakisht i është lexuar aktakuza , është njoftuar me të drejtat dhe detyrimet procedurale dhe pasojat e pranimi përkatësisht të mos pranimit të fajësisë- e ka pranuar fajësinë dhe ka manifestuar keqardhje për atë që i ka ndodhur. Këtë pranim fajësie gjyqtari – pasi që paraprakisht e ka marrë pëlqimin e prokurorit të shtetit, i bindur se pranim fajësinë i pandehuri e ka bërë ashtu siç e parasheh ligji – vullnetarisht dhe pa u ndikuar nga askush dhe në asnjë mënyrë -e ka pranuar.

Meqenëse i pandehuri e pranoj fajësinë gjyqtari kaloi në marrjen e vendimit lidhur me llojin dhe lartësinë e masës ndëshkuese , me ç rast i pati parasysh të gjitha rrethanat rënduese dhe lehtësuese. Rrethanë rënduese në rastin konkret gjyqtari nuk ka gjetur , kurse nga ato lehtësuese ka çmuar : pranimin e singertë të fajësisë , e që është rrethanë veçanërisht lehtësuese ,pendimin e thellë për këtë gjë, qëndrimin korrekt në gjykatë, pa dënueshmërinë e mëparshme por edhe moshën e re , dhe kësaj gjyqtari mendon se edhe me një vendim si në dispozitivin e aktgjykimit ndaj të pandehurit do të arrihet qëllimi i ndëshkimit i paraparë me neni 38 të KPK-së .

Vendimi mbi shpenzimet e procedurës penale dhe të paushallit gjyqësor është marrë konform nenit 450 të KPPRK-së.

Vendimi obligimin e të pandehurit për taksat për programin e kompensimit të viktimave të krimit është marrë konform Ligjit nr. 05/L-036.

Vendimi mbi udhëzimin e të dëmtuarit në kontestin e rregullt civil është marrë konform nenit 463 të KPPRK-së .

Nga sa u tha më lartë konform nenit 365 të KPPRK-së u vendos si më lartë.

Nga Gjykata Themelore në Pejë D.P. datë.07.4.2021.

Sekretarja juridike
Gjyljeta Çorkadiu

Gjyqtari
Sejdi Blakaj

KËSHILLA JURIDIKE

Kundër këtij aktgjykimi lejohet
Ankesa në afat prej 15 ditësh nga
Dita e marrjes , Gjykatës të Apelit në Prishtinë
E përmes kësaj Gjykate .